



108年教育部

閩客語文學獎

用本土語言尋找文學的能源



閩南語 ▶ 現代詩 ▶ 教師組

蔡宜勳 先生

得獎作品 /

田岸落塗半跋深



【得獎感言】

「母語」讓無法忘卻父母的愛。

「母語」寫作，對於個人而言，不止於文字的堆砌，也是情感的抒發，因為這些用語都是小時候聽自父母親的嘴巴，創作起來自有一番別滋味，至少在個人的成長過程是如此，運用母語寫詩，除了享受通津文字的快感，似乎還可以感受到生命的喜悅。

我感到非常榮幸，能夠在此次的比賽中得獎，感謝主辦單位，祝福其他所有的得獎者與參賽者。



田岸落塗半跋深

天未全光巡田去
田溝仔水冷吱吱
勻勻仔勻勻仔嘿
滴塗會牽絲
袂輸阿娘抱紅嬰
田蛤仔欲若看有哪著喙仔開開開
白色蝶仔四界颺颺飛
奈何春天毋願辭
隔壁彼坵破田地
油菜花仔發甲旺旺旺
敢講這冬熱天來甲特別遲
通對阮兜彼逝塗沙米路
日頭強欲燴死人
鱒鱒哪有興頭藏水沫
田岸落塗上無淹過半跋深

鹽酸仔花浞過溝
三月風陣陣仔吼
慢慢仔慢慢仔嘿
挑花刺繡一冬一冬老
親像姑娘仔過掣流
龍眼樹欖菜園仔後
一鉅春茶掛叉枝
一領禪仔被樹頭
大肚牛糞心思浮心頭
兩蕊目睷眨眨瞞
目屎綴咧吞落喉
向時囡仔的記持一項一項來落勾
敢是阿爸青春著賊偷
風沙若欲來起湧
定著鬮甲遮爾仔厚？



田園巡煞烏暗眩
規身軀汗滷滷津
沓沓仔沓沓仔嘿
跔腳跔手覘阮後壁面
遮爾仔大聲喝欲死
敢毋知會共阿公驚甲拋掉輪
查某囡仔大遮緊
啥物時陣比我較大身
一舉一止妖嬌氣
文文仔笑來假無意
絲絲清芳
袂輸牽牛仔花在旋藤
毋免越頭免猜疑
我的心肝仔查某孫
又閣倚遠遠咧共我睨

哎啲喂啊食暗袂
歲頭若有袂堪得做牛來犁
恬恬仔恬恬仔嘿
手擰針線半啄龜頭頓頓
毋通驚醒老柴耙
趁伊猶未來精神
幌頭仔偷偷呷一杯
神仙挈啥物佻我比懸低
粟鳥仔也無相報馬
伊啥物時陣惹來阮後引
伸手毋准我斟第三杯
這聲欲醉溜過溪
佇我這對目矙內無咧嚶湍的
世間上除了伊以外
無人會當嬌過咱兜彼坵水田地